




Պ Ա Շ Տ Օ Ն Ա Կ Ա Ն

ՆՈՐԻՆ ՍՐԲՈՒԹԻԻՆ ԱԶԳԻՍ ՎԵՀԱՓՍՈ ՀԱՅՐԱՊԵՏԻ

ՏՆՕՐԷՆՈՒԹԻԻՆՆԵՐԻՑ.

Կոնգակ ա. Էջմիածնի Սինոդի անունով, որով պահանջուեց Տ. Տ. Աշոտ. Մեսրոպ և Եփրեմ եպիսկոպոսների և Տ. Ներսէս վարդապետ Մելիք-Թանգեանի ծառայութեանց ցուցակները: 4 դեկտեմ. թ. 1592.

Կոնգակ Կ. Պօլսի Հայոց Պատրիարքի անունով, որով յանձնարարուեց, սահմանուած կարգի և կանոնի համաձայն, Երուսաղէմի Պատրիարքի ընտրութիւն նշանակել, որպէս զի սրբոց Յակովբեանց ա. Աթոռը թափուր չմնայ երկար ժամանակով: 5 դեկտեմ. թ. 1617.

Դիւանի գրութեամբ յանձնարարուեց Նոր-Նախիջևանի Տ. Մարտիրոս աւագ քահանայ Դանձապետեանին ուղարկել Նորին Սրբութեանը հանգուցեալ Սարգիս Խըրճեանի կտակի պատճէներ: 6 դեկտեմ. թ. 1618.

Կոնդակ Կ. Պօլսի Հայոց Պատրիարքի անունով, որով ուղարկուեց Նորին Սրբութեան անդրանիկ Օրհնութեան կոնդակները և յանձնարարուեց կարգադրել կարգալ մայրաքաղաքի և առաջնորդանիստ քաղաքների և գիւղերի եկեղեցիներում: 7 դեկտեմբ. թ. 1621.

Դիւանի գրութեամբ ուղարկուեց Նոր-Ջուղայի Առաջնորդական Խորհրդարանին Նորին Սրբութեան անդրանիկ Օրհնութեան կոնդակից 4 և պատճէնից 100 օրինակ՝ թեմի եկեղեցիներում կարգալու համար, 12 դեկտ. թ. 1643.

Դիւանի գրութեամբ ուղարկուեց Ատրպատականի Առաջնորդական Փոխանորդին Նորին Սրբութեան անդրանիկ Օրհնութեան կոնդակից՝ թեմի եկեղեցիներում կարգալու համար, իսկականից 1 և պատճէններից 100 օրինակ: Ամերիկա Արսէն վարդապետ Վեհունուն և Ուստրի եկեղ. վարչութեան՝ իսկականից 5 և պատճէններից 20 օրինակ, 12 դեկտեմբ. թ. թ. 1644 և 1645.

Դիւանի գրութեամբ յանձնուեց Մայր Աթոռի կենդրոնական Ուսումնարանական Յանձնաժողովին Դիւանի թ. 81/1912 գործը՝ օրի մէջ անվտիւժած են Հայոց եկեղեցական-ծխական դպրոցների ուսուցիչ ուսուցչուհիների մինչև այժմ ստացուած վկայականների պատճէնները՝ ընդհանուր ուսուցչական ցանկ կաղմելու համար: 12 դեկտեմբ. թ. 1647.

Դիւանի գրութեամբ ուղարկուեց Մայր Աթոռի կենդրոնական Ուսումնարանական Յանձնաժողովին Երևանի Փոխ-թեմակալի ներկայացրած նոյն թեմի եկեղեցական-ծխական դպրոցների ուսուցիչ ուսուցչուհիների ուսման վկայականների պատճէնները 14 դեկտեմբ. թ. 1672.

Կոնդակ Վրաստանի Հայոց թեմի Ժամանակաւոր կառավարիչ Տ. Եփրեմ եպիսկոպոսի անունով, որով հաստատուեցան Ներսիսեան դպրանոցի հոգաբարձութեան պաշտօնում՝ պ. պ. Աղէքսանդր Պապովեան, Նազարէթ Տիգրանեան, Սահակ Լիսիցեան, Նիկողայոս Կաճկաճեան.

Գաբրիէլ Կաֆեան, Համբարձում Մելիքեան և Յակովբ Ալիխանեան և անձնավորանորոգութեան պաշտօնում՝ պ. պ. Գարեգին Գարաիշեան, Մ. Մուշայեան և Մ. Մնացականեան, իսկ վերաստուգիչ յանձնաժողովի անդամութեան պաշտօնում՝ պ. պ. Բժշ. Տիգրան Թադէոսեան, Գրիգոր Սարեան, Սիմէօն Շահվերդեան, Ա. Աւագեան և Հայկ Տէր-Աստուածատրեան: 18 դեկտեմբ. թ. 1675:

Շրջաբերական կոնդակներով ուղարկուեց Երևանի, Տփլիսի, Ղարաբաղի և Բեսսարաբիայի Հայոց հոգևոր թեմական դպրանոցների հոգաբարձութեանց ժամանակաւոր դասաքաշխուժն և պատուիրուեց յանձնել թեմական դպրանոցների մանկավարժական Խորհուրդներին, որպէս զի այդ դասաքաշխումն համեմատ ծրագիր կազմեն և մինչև 1913 թ. ապրիլի 10-ին ներկայացնեն Նորին Սրբութեան: 19 դեկտեմբերի թ. թ. 1677—1680:

Կոնդակ ս. Էջմիածնի Սինօգի անունով, որով առաջադրուեց 1913 թ. յունուարի 1-ից ուճիկ չտալ Տ. Ընձակ վարդապետին, որ Բեսսարաբիայի թեմի Առաջնորդի միջնորդութեան համաձայն կարգւում է Հին-Խրիմի ս. Խաչ վանքի վանահայր: Պատուիրուեց կարճել Տ. Հմայեակ վարդապետ Տէր-Սարգսեանի ուճիկը, որ չէ կատարում իւր միաբանական պարտականութիւնը: 21 դեկտ. թ. 1784:

Դիւանի գրութեամբ յանձնարարուեց Շամախու Առաջնորդին թոյլ տալ Ղազարոս քահանայ Յովսէփեանին, իւր ներկայացրած ծրագրի համաձայն, բանալ Բագուում հայկական ձայնագրութեան և հոգևոր երաժշտութեան դպրոց: 25 դեկտեմբ. թ. 1814:

Կոնդակ ընդհանրական Ատրպատականի թեմի հայ Ժողովրդի անունով, որով ծանուցուեց Ներսէս վարդապետ Մելիք-Թանգեանի առաջնորդ կարգուելն և յորդորուեց աջակցել նորահաստատ առաջնորդին բարեկարգելու եկեղեցական, վարչական, կրթական և այլ գործերը: 26 դեկտեմբերի թ. 1841:

Կոնդակ ս. Էջմիածնի Սինոդի անունով, որով առաջադրուեց տալ Մայր Աթոռի գանձարանից փոխարինարաւ Ատրպատականի առաջնորդ Տ. Ներսէս Մելիք-Թանգեանին ռոճիկ մի հազար երկու հարիւր ռուբլի մի տարով միայն, ի նկատի ունենալով թեմի այժմեան տնտեսական աննախանձելի վիճակը: 26 դեկտեմբ. թ. 1842:

Կոնդակ Մայր Աթոռի միաբան Տ. Ներսէս վարդապետ Մելիք-Թանգեանի անունով, որով կարգուեց Ատրպատականի Հայոց թեմի Առաջնորդ: 26 դեկտեմբ. թ. 1843:

Կոնդակ ս. Էջմիածնի Սինոդի անունով, որով առաջադրուեց կարգել Մայր Աթոռի միաբան և Սինոդի գանձապահ Տ. Մուշէ վարդապետին Մայր Աթոռի վանական կառավարութեան նախագահ և Զանգու գետից ջուր հանելու Գանձնաժողովի վերահսկիչ: 28 դեկտ. թ. 1845:

Կոնդակով առաջադրուեց ս. Էջմիածնի Սինոդին տալ Վրաստանի թեմի վիճակային արգիւնքից գրականագէտ հանգուցեալ Ղազարոս Աղայեանի այրի Նատալիային ցմահ տարեկան 200 ռուբլի նպաստ: 28 դեկտ. թ. 1846:

Կոնդակ Մայր Աթոռի միաբան Տ. Ներսէս վարդապետ Տէր-Միքայէլեանի անունով, որով կարգուեցաւ «Արարատ» ամսագրի պատասխանատու խմբագիր: 28 դեկտեմբ. թ. 1850:

Կոնդակ Բեսսարաբիայի Առաջնորդի անունով, որով հաստատուեցան Նոր-Նախիջևանի թեմական դպրանոցի հոգաբարձութեան պաշտօնի մէջ պ. պ. Յովակիմ Խամբարեան, Արգար Իերիջանեան, Մովսէս Բերբերեան, Մարտիրոս Շապովալեան, Գրիգոր Զալխուշեան, Գէորգ Ռէիդեան և անձնափոխանորդութեան պաշտօնում՝ պ. պ. Խաչատուր Խալիֆաշեան, Ներսէս Ստեփաննոսեան և Սահակ Մեսնիքեան: 28 դեկտեմբ. թ. 1851:

Կոնդակով առաջադրուեց Սինոդին ուղարկել Մայր Աթոռի գանձարանից Բոմանովների թագաւորութեան

300-ամեակի Յոսելեանի յուշարձանի շինութեան օգտին
300 ուրլի նպաստ. 28 դեկտ. թ. 1856.

Շրջաբերական Կոնդակներ Ռուսաստանի Հայոց թե-
մակալ առաջնորդների անունով, որոնցով առաջադրուեց
կարգադրութիւն անել, որ 1913 թ. փետրուարի 20 և
21-ին Հանդիսաւորութեամբ տօնուի Բօմանովների թագա-
ւորութեան 300-ամեակը, կատարելով նաև Հանդիսաւոր Հո-
գեհանգիստ և դօժացողական մաղթանք բոլոր եկեղեցի-
ներում, կազմակերպել դպրոցական Հանդէսներ և թեմա-
կան դպրանոցների և ծխական դպրոցների աշակերտներին
երեք օրով ազատել դասաւարտութիւնից, 28 դեկտեմբերի
թ. թ. 1857-1862.

Կոնդակ Ատրպատականի առաջնորդ Տ. Ներսէս վար-
դապետի անունով, որով թոյլ տրուեց առաջնորդարանի
օգտին Ռուսաստանում ապրող Հարուստ Պարսկահայերից
դրամական օգնութիւն խնդրել, 28 դեկտ. թ. 1876.

Կոնդակ Երեանի Կոնսիստորիայի անունով, որով թոյ-
լատրուեց քահանայապետութեւ Սարգիս քահանայ Տէր-Գէ-
որգեանին Քերս գիւղում և Գէորգ քահանայ Քաղցրի-
կեանին Ճալա գիւղում, 30 դեկտ. թ. 1877.

ՀԱՅՐԱՊԵՏԱԿԱՆ ՊԱՐԴԵԻԱՏՐՈՒԹԻՒՆՆԵՐ

Կոնդակ Տիխիսի Բեթղեհէմի ս. Աստուածածին եկե-
ղեցու միաբան Գէորգ քահանայ Մեհրաբեանի անունով,
որով թեմի ժամանակաւոր կառավարչի և ծխականների միջ-
նորդութեան համաձայն, աւագ քահանայութեան պատիւ
շնորհուեց, 4 դեկտ. թ. 1616.